



UNIVERSITÄTS-
BIBLIOTHEK
PADERBORN

Tractatus De Censuris Romano Pontifici Reservatis

Ugolinus, Bartholomaeus

Venetijs, 1609

Verb. Omniaque alia metallorum genera.

[urn:nbn:de:hbz:466:1-61365](https://nbn-resolving.org/urn:nbn:de:hbz:466:1-61365)

ue proficisci potest, & rem parua tradens in excommunicationem incidet.

Verb. Filum ferri.

S V M M A.

1 *Filum ferri ad christiani nominis hostes deferri non potest, & quamobrem.*

1 **H**ic quoque ad hostes christiani nominis filum ferri de ferri prohibetur, ut in versic. proposito habetur: etenim eo pilæ armatae fiunt, & bombardis, sclopetisque pilæ plures simul iunctæ, atque inclusæ, indeque eiectæ graue damnum inferunt. Addo ex filo ferri arma alia fieri posse, ut pote spicula sagittarum, & alia etiã armorum genera, vbi quantitas magna adest.

Verb. Stannum.

S V M M A.

1 *Stannum ad christiani nominis hostes deferri non potest, & quamobrem.*

1 **H**ic quoque ad christiani nominis hostes deferri prohibitum est stannum, ut in eodem versic. habetur, etenim ad bombardas faciendas accommodatũ est,

ac propterea ad bellum aptum, & ad alia etiam vtile, stannum autẽ species metalli est, quod in fodinis inuenitur cum argento, & in fornace primum liquefit, & Plumbum album vocat.

Verb. Chalybem.

S V M M A.

1 *Chalybs ad hostes Christiani nominis deferri non potest.*

1 **H**ic quoque prohibitum est ne ad christiani nominis hostes chalybs deferatur, ut in versic. habetur, & proprie hic accipitur pro eo ferro, quod vulgo dicitur acciaio, quamuis alias generatim pro ferro accipiatur, sed quoniam speciatim ferri mentio facta est, ob eam rem pro metalli specie accipere hic debemus.

Verb. Omniaque alia metallorum genera.

S V M M A.

- 1 *Metallorum genera nulla ad hostes deferri possunt.*
- 2 *Metallorum genera septem sunt, & quæ.*
- 3 *Plumbum ad christiani nominis hostes deferri non potest.*
- 4 *Aurum ad christiani nominis hostes deferri*

deferri non potest.

5 *Argentum ad christiani nominis hostes deferri non potest.*

6 *Nummi aurei, argentei alteriusve materiae an ad christiani nominis hostes deferri possint.*

1 **H**ic ¶ ne deferantur alia metallorum genera, prohibetur, idque merito, nam ex metallo arma omnia fiunt, vt bombardæ, enses, & alia huiusmodi. ¶

2 Immo, quoniam metallum genus est, ob id plures species sub se habet, scilicet septem, aurum, argentum, electrum, æs, stannum, plumbum, & ferrum, vt inquit Iliodo. & Luc. de pænna, quos refert ac sequitur Rebuff. in sua Prax. benefic. in expositione Bullæ cœnæ Domini. art. 5. in verb. Metallorum genera, & habetur apud Pli. Hist. lib. 3. cap. 1. & cap. 14. & ca. 16. cum sequi. ob eam rem præter prædicta, scilicet ferrum, stannum, chalybem, comprehendit etiam aurum, argentum, plumbum, & si

3 milia. ¶ Quare neque plumbum ad christiani nominis hostes deferri licebit, prohibito enim genere, & species omnes prohibita sunt, & remoto genere remouetur & quælibet eius species. argument. l. si quid carum. §. inter emptum. ff. de leg. 3. not. Iason in l. filius a patre. numer. 10. ff. de libe. & posthum.

4 ¶ Minus etiam ob eandem rationem aurum argentumve ad eosdem deferri potest, vel facta vel infecta sint.

5 ¶ At quid ¶ de nummis aureis argenteisve, alteriusve materiae, an ad ipsos hostes impune deferantur? Videbatur dicendum hæc non comprehendi. arg. leg. Quintus. §. 1. ff. de aur. & argen. lega. & l. cum aurum. ff. eod. Atqui contrariam sententiam veriore censeo, nam metalla ob eam rem prohibita sunt, quoniam ad bellica instrumenta confirmanda sunt apta, ergo multo magis pecunie, quæ & nerui belli dicuntur, vt testatur Alfonso. Aluarez in suo Thesuro. capitu. 71. numero 3. & ad bellum omnium maxime accomodata, illis enim comeatus parantur, arma habentur, exercitus fiunt, vrbes, arcesque expugnantur. Declarauit hoc in Vngaria Clauarini Vrbs, quæ non armis, non militum virtute, sed auro expugnata est, sensit hoc Virgili. dum inquit ibi, Auri sacra famæ, quid non mortalia peiora cogis? & Horat. lib. 3. carmi. in ode, inclusam Danaem turris aenea. Postremo probatur id etiam hac ratione, quoniam per Bullam prohibitum est, ne metalla ad hostes christiani nominis deferantur, vt vidimus, ergo & ea, quæ fiunt ex ipsis, quandoquidem metalla non per se prohibita sunt, sed quoniam ex illis fiunt, & conflantur ea, quæ ad bellum apta sunt, ergo & nummi cuiuscunque materiae prohibiti erunt, ex quo ad bellum aptissimi sunt, vt proximè vidimus. Postremo facit, quoniam vbi per statutum pro-

N 3 hibetur,

hibetur, ne frumentum ex aliquo loco extrahatur farina quoque, quae ex frumento fit, extrahi non potest, ut asseruit Viu. in sua Sylu. opin. 765. ergo idem & hic. Nec obstant iura supra citata, nam ob eam rem argenti legato non nisi non comprehenduntur, ne haeres nimis offeratur, & sic sumus in re odiosa, ac hic sumus in re gratiosa ob fauorem Christianae Religionis. argumen. l. sunt persona. ff. de religio. & sumpt. fun. ergo est amplianda. cap. odia. de reg. iur. libr. 6. & l. cum quidam. ff. de liber. & posthum. Adde si non ex hoc capite deferentes in excommunicationem incidunt, ex illo tamen eos incidere, quod illis fauent, quod eadem poena in hoc capite prohibita est, ut videbimus. Ab hac igitur opinione discedendum non censeo, quam & tenuit Nau. c. 27. num. 63. versic. Sexta, & Vinald. in Candelabr. in 2. par. in explanatione Bullae Coenae Domini. cas. 7. nu. 38.

Excipio tamen christianos, qui sub imperio hostium christiani nominis sunt, nam si pecuniam praestent pro tributis, ex quo aliter effugere id nequeunt, in poenam hanc non incident, quippe quia coacti id faciunt.

Secundo eadem ratione, & quod de duobus malis minus est eligendum, si Christianus Princeps inferior viribus non potest resistere, exempli gratia, Turcarum Principi, ne bello ab eo vexetur, lice-

bit redimere vexationem pecunia data. argum. c. dilectus. 1. de si mon.

Tertio quando quis aliter se, suosque populos tueri non potest, tantum in singulos annos vel ex conventionem praestari ei poterit, quod bene uolum eum sibi reddat, sibi que bellum non moueat. Immo & ijs, qui apud Principem plurimum possunt, pecuniam elargiri licebit, quo principem a bello contra christianos mouendo auocent: sed de his haecenus, ad alia transeamus.

Verb. Arque Bellica instrumenta.

S. V. M. M. A.
I Bellica instrumenta deferre ad hostes christiani nominis nequeunt, & quae sint haec.

I Hic quoque tunc ne ad eosdem hostes bellica instrumenta deferantur, prohibitum est, ut dicitur in eodem versic. Haec autem sunt (praeter bombardas, sclopetos, arcus, quae meminit Rebuff. eod. artic. 5. in versicu. Bellica instrumenta, de quibus supra egimus in verb. Arma) ut inquit Nauarr. in Man. capit. 27. numer. 63. versic. Sexta, ibi Per bellica instrumenta, Timpani, Fistulae, Litui, Cornua, & Tubae, his enim militum animi ad pugnandum alligantur.